



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión extraordinaria e urxente do 19 de decembro de 2019**, adoptou o seguinte acordo:

3.- PROXECTO DE CONVENIO ENTRE O CONCELLO DE VIGO E A FEDERACIÓN GALEGA DE DOMINÓ PARA COLABORAR NA FINANCIACIÓN DO XXVIII CAMPIONATO DE ESPAÑA DE DOMINÓ POR PARELLAS NA CIDADE DE VIGO. 9320/320.

Visto o informe de fiscalización do 19/12/19, dáse conta do informe xurídico-proposta de data 17/12/19, asinado pola xefa do Servizo de Participación Cidadá, o concelleiro-delegado de Cultura e o concelleiro-delegado de Orzamentos e Facenda, que di o seguinte:

ANTECEDENTES

I. Con data de entrada no Rexistro electrónico do Concello de Vigo o 05/11/2019 (COD. SOLICITUDE: W387320-1021, achégase solicitude da FEDERACIÓN GALEGA DE DOMINÓ (NIF G-15858723), de subvención para o Campionato de España de Dominó.

II. A FEDERACIÓN GALEGA DE DOMINÓ (NIF: G15858723), consta inscrita no Rexistro Central de Asociacións da Comunidade Autónoma de Galicia por Resolución do 08/07/2002, con núm. 2002/000022-2^a, conforme á Lei Orgánica 1/2002, do 22 de marzo, reguladora do dereito de asociacións, como asociación sen ánimo de lucro, constando coma presidente e representante da mesma, Don Manuel Seoane Candal (326.15*.***- Z).

III. Segundo o disposto no art. 14 da LXS e Base 38^a.9 das Bases de Execución do Orzamento, acredita, documentalmentemente, o cumprimento dos requisitos necesarios para acadar a condición de beneficiaria:

- Documentación acreditativa de estar ao corrente coas súas obrigas tributarias e coa Seguridade Social, vixentes de conformidade co art. 23.3 do RLXS:
- Xustificante de obtención telemática de datos da Axencia Estatal de Administración Tributaria (AEAT), de data 13/12/19
- Certificado da Consellería de Facenda da Xunta de Galicia, de data 17/12/2019
- Xustificante de obtención telemática de datos da Seguridade Social, de data 13/12/2019
- Certificado do Concello de Vigo, de data 22/08/19

Así mesmo, a entidade beneficiaria achega, a seguinte documentación:

1. Solicitude convenio de colaboración (anexo I).
2. Datos do representante legal (anexo II).



Copia do documento - Concello de Vigo	Data impresión: 27/04/2024 09:07	Páxina 1 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

3. Declaración responsable do representante da entidade, de non incorrer en ningunha das prohibicións e circunstancias dos artigos 13 e 34 da LXS e artigos 10 e 31.6 da Lei de Subvencións de Galicia (anexo III).
4. Declaración de outras axudas solicitadas ou concedidas para o mesmo proxecto (anexo IV).
5. Consulta de verificación de datos. Non achega oposición expresa á consulta por parte do Concello de Vigo (anexo V).
6. Datos da entidade bancaria (anexo VI).
7. Orzamento estimado equilibrado (anexo VII) que serve de base para o outorgamento da subvención é o que se reflicte a seguir:

ORZAMENTO DE GASTOS	
Compra de 110 dominós	3,264.94 €
Lunch de clausura do torneo	2,100.00 €
TOTAL	5,364.94 €

ORZAMENTO DE INGRESOS	
Subvención Participación Cidadá	5,364.94 €
TOTAL	5,364.94 €

8. Memoria explicativa do programa de actividades.

Coa achega desta documentación, a asociación cumpre, así mesmo, co disposto no art. 8 do Regulamento de Participación Cidadá, aprobado por acordo plenario de 26/03/92, modificado por acordo de data 31/03/93.

IV. En data 13/12/2019 o concelleiro delegado de Cultura, Emprego e Participación Cidadá, asinou a orde de inicio de expediente para tramitar o presente procedemento.

V. A petición do servizo de Participación Cidadá, expídese certificación de data 13/12/2019 do tesoureiro municipal, acreditativa de que a beneficiaria non ten débedas de dereito público, na vía de constrinximento, pendente de pagamento, no Concello de Vigo.

CONSIDERACIÓNS XURÍDICAS

COMPETENCIA ADMINISTRATIVA NA QUE SE FUNDAMENTA A ACTUACIÓN DA ADMINISTRACIÓN PÚBLICA:

Os artigos 23 do Decreto do 17 de xuño de 1955 polo que se aproba o Regulamento de servizos das Corporacións Locais (RSCL) e 294 da Lei 5/1997, do 22 de xullo, de Administración local de



Copia do documento - Concello de Vigo	Data impresión: 27/04/2024 09:07	Páxina 2 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Galicia, dispoñen que as Corporacións Locais poderán conceder subvencións e axudas de contido económico a entidades, organismos ou particulares cuxos servizos ou actividades complementen ou substitúan á competencia local.

Un dos principais obxectivos da Lei 27/2013 é clarificar as competencias municipais para evitar duplicidades coas competencias de outras Administracións, de forma que se faga efectivo o principio “unha Administración unha competencia”. Polo que as Entidades Locais non deben volver asumir competencias que non lles atribúe a Lei e para as que non conten co financiamento adecuado.

Con fundamento na Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local, xustifícase a competencia administrativa para a tramitación do presente expediente segundo o disposto no seu artigo 3.3.b), que non considera, entre outras, como exercicio de novas competencias, a continuidade da actividade de fomento xa establecida en exercicios anteriores, tal e como se veñen desenvolvendo no servizo.

Son fins da FEDERACIÓN GALEGA DE DOMINÓ, segundo o disposto nos seus Estatutos, a tutela, fomento, regulación, organización e desenvolvemento de todo o que concerne ao deporte do dominó en calquera das súas modalidades no seu ámbito autonómico, sen menoscabo da competencia territorial e baixo a dependencia xerárquica da Federación Española de Dominó ou das Organizacións Internacionais nas que poida integrarse.

Neste sentido e de conformidade co acordo adoptado o 16/01/2019 pola Xunta Directiva da Federación Española de Dominó, a Federación Galega ten encomendada a organización do XXVIII Campionato de España de Dominó por Parellas, torneo que ven celebrándose de xeito constante con carácter anual en distintas cidades do territorio español, alí onde a Federación Española dispón de sedes representativas. A elección da cidade de Vigo atende á consideración de que dispón das condicións necesarias para ser considerada pola Federación como *sede ideal* do Torneo, polo apoio amosado polas autoridades municipais ao desenvolvemento de eventos deportivos e culturais, que debe ser recompensado coa elección da cidade para promover o deporte do Dominó alí onde poida acadar unha maior difusión, e que sumará á posibilidade de que os participantes e seguidores do Campionato Nacional poidan disfrutar dos atractivos turísticos que ofrece a cidade. A elección de Vigo coma sede do Torneo achega á numerosa colonia de xogadores de dominó existentes tanto na propia cidade de Vigo coma en toda a Comunidade Galega a oportunidade de enfrentarse a xogadores vidos de toda España nunha competición en busca do éxito e da amizade que proporciona o Campionato.

Desta vontade común, o Concello de Vigo comprométese, non só a garantir a participación, senón tamén a promovela activamente, colaborando na axuda ao financiamento da organización dun evento de interese público, social e cultural para a cidade de Vigo.

De conformidade co anterior, reflíctese o interese público, social e cultural, a competencia administrativa e a necesidade e oportunidade da concesión da presente subvención ao proxecto subvencionado e ao interese público que persegue e que se considera suficiente, xunto coa documentación que obra no expediente, ao cumprimento do previsto na lei.

Segundo resultou acreditado mediante as declaracións responsables e os anexos achegados ao expediente, a entidade non está incursoa en prohibición para ser beneficiaria da subvención,



Copia do documento - Concello de Vigo

Data impresión: 27/04/2024 09:07

Páxina 3 de 9

SUBVENCIONS

CSV: ABA848-59D1BE-38393B-2L6S4B-U8RKNB-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

áchase ao corrente das súas obrigas tributarias e frónte á AEAT, a Axencia Tributaria de Galicia e a Seguridade Social e non ten débedas pendentes con este Concello de Vigo.

PROCEDEMENTO DE CONCESIÓN DIRECTA:

No caso excepcional de concesión directa segundo o previsto no artigo 22.2.c) da Lei 38/2003, de 17 de novembro, xeral de subvencións (LXS), no art. 19.4.c) da Lei 9/2007, de 13 de xuño, de subvencións de Galicia (LSG) e na Base 38.4.2 das de Execución dos vixentes Orzamentos xerais do Concello de Vigo, o acto de concesión terá o carácter de **BASES REGULADORAS DA CONCESIÓN:**

I. OBXECTO DA SUBVENCIÓN E ENTIDADE BENEFICIARIA:

O obxecto do presente expediente é a concesión directa dunha subvención por importe de **5.364,94 €** á FEDERACIÓN GALEGA DE DOMINÓ (NIF V-15858723), polo interese público, social e cultural que para a cidade de Vigo representa ser a sede da XXVIII edición do Campionato de España de Dominó por Parellas, para colaborar na financiación dos gastos de organización do evento que nesta edición se celebra na cidade de Vigo durante os días 6 e 7 de decembro, entre parellas chegadas de distintas localidades de España e, cuxa participación se estima en 240 parellas.

II. CONTÍA TOTAL E CRÉDITO ORZAMENTARIO:

O vixente exercicio orzamentario (2019) que foi aprobado polo Pleno xeral, en sesión ordinaria do 26/12/2018, inclúe a partida **9240 4890000 “SUBVENCIÓNS A ENTIDADES CIDADÁS”**, con dotación orzamentaria con cargo á que se imputa a presente subvención por importe de **5.364,94 €**.

O orzamento do proxecto subvencionado achegado pola entidade beneficiaria considérase axeitado.

III. COMPATIBILIDADE DA SUBVENCIÓN:

Esta subvención será compatible con calquera outra subvención ou axuda para a mesma finalidade procedente de calquera outra administración ou de entes públicos ou privados, nacionais, da Unión Europea ou de organismos internacionais.

A beneficiaria deberá comunicar ao Concello de Vigo a obtención doutras subvencións, axudas ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no artigo 34 do RD 887/2006, de 21 de xuño, polo que se aprobou o Regulamento da Lei Xeral de Subvencións.

Se o custo total da actividade subvencionada resultase ser menor que o contemplado para a concesión da subvención ou se reduci sen na execución da actividade subvencionada as



Copia do documento - Concello de Vigo	Data impresión: 27/04/2024 09:07	Páxina 4 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

actuacións ou elementos previstos, se procederá a redución da subvención na mesma proporción. A comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

A beneficiaria non poderá subcontratar con terceiros a actividade subvencionada.

IV. PRAZOS E RÉXIME DE PAGAMENTO DA SUBVENCIÓN:

Conforme ao establecido nos artigos 34.2 da LXS e 31.5 da LSG o pagamento da subvención realizarase previa a xustificación polo beneficiario da realización da actividade, proxecto, obxectivo ou adopción do comportamento para o que se concedeu.

A subvención aboaráselle a entidade, mediante transferencia bancaria ao IBAN número:

ES33 2080 0127 7130 4000 7090 (ABANCA).

V. PRAZO E FORMA DE XUSTIFICACIÓN DA SUBVENCIÓN MEDIANTE TRAMITACIÓN ELECTRÓNICA:

En cumprimento do disposto no artigo 65.3.e) da LXS, e de conformidade coas Bases de execución do Orzamento, no apartado 38ª.4.2, polo que respecta á regulación do prazo e forma de xustificación polo beneficiario, a xustificación revestirá a forma de conta xustificativa final que, segundo o art. 30 da LXS, constitúe un acto obrigatorio da beneficiaria, no que se debe incluír, baixo responsabilidade do declarante, os xustificantes de gasto ou documento con validez xurídica que permita acreditar o cumprimento do obxecto da subvención.

En cumprimento da obriga imposta polo artigo 14.2.a) da Lei 39/2015, do 1 de outubro de Procedemento Administrativo Común das Administracións Públicas (LPAC), establécese o emprego, do trámite en liña para presentar e tramitar a conta xustificativa da subvención otorgada a través da sede electrónica do Concello de Vigo, mediante o Rexistro Xeral (Tramitación por internet). Require identificación e sinatura electrónica, por calquera das modalidades admitidas polo Concello de Vigo, que se poden consultar no enlace <https://sede.vigo.org/expedientes/usuarios/login.jsp?lang=gal>, do mesmo xeito que a/s solicitude/s para concorrer ao procedemento.

A xustificación da subvención realizarase pola Federación Galega de Dominó, mediante a presentación dunha memoria final, coa súa correspondente conta xustificativa que acredite o cumprimento total do obxecto e condicións das presentes bases reguladoras da concesión da subvención. O prazo máximo para achegar esta xustificación será o **20 de decembro de 2019**.

A documentación esixida debe asinarse electronicamente antes da súa remisión a través da sede electrónica do Concello de Vigo:

A conta xustificativa da subvención outorgada conterà a seguinte documentación e información:

a) Solicitud de abono da subvención asinada electronicamente.



Copia do documento - Concello de Vigo	Data impresión: 27/04/2024 09:07	Páxina 5 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

b) Unha memoria económica asinada electrónicamente, na que se relacionarán, de forma numerada e correlativa, os gastos efectuados, con identificación do emisor/traballador, concepto dos gastos, CIF/NIF do emisor/traballador, nº documento xustificativo, data do documento, Base factura/nómina, no seu caso, IVE/IRPF, e importe total que se imputa á subvención. Así mesmo, riscarase cun “x” diante do documento cuxo orixinal se achega, e reflectirase a suma total dos gastos xustificados e a suma total dos documentos orixinais achegados, tendo presente que deben xustificarse gastos por importe igual ou superior ao proxecto que serviu de base para a concesión da subvención, e orixinais pola parte subvencionada, na forma prevista na Base 38.4 das Bases de Execución do Orzamento.

c) Dos documentos xustificativos relacionados, achegaranse **facturas electrónicas e/ou copias dixitalizadas asinadas dixitalmente** que deben cubrir, como mínimo, o importe da subvención concedida, e ordenados correlativamente segundo o número de orde asignado na relación numerada. Deberá terse en conta, con carácter xeral e, no seu caso, que:

- daráselle preferencia á presentación de facturas sobre os recibos de impostos
- en ningún caso, se admitirán simples recibos e/ou tiques de caixa, notas de entrega, albarás, resgardos bancarios...
- no caso de facturas electrónicas, a autenticidade da orixe e a integridade do seu contido, deben estar garantida por algún dos medios previstos legalmente (firma electrónica, código de verificación...)
- de conformidade co carácter finalista das subvención, non se admitirán facturas que correspondan a conceptos non presupostados na memoria
- as facturas deben emitirse a nome da entidade perceptora da subvención
- cando unha entidade ou empresa emisora dunha factura estea exenta de IVE, deberá achegar acreditación fehaciente da exención expedida polo órgano ou administración competente
- non se considerarán gastos subvencionables os impostos indirectos cando sexan susceptibles de recuperación ou compensación, caso no que, tratándose de facturas, computaranse os gastos acreditados deducido o IVE e o IRPF
- no seu caso, xustificaranse as retencións e ingresos a conta do IRPF, así como, o abono das cotas da Seguridade Social, aínda que estas cantidades non sexan imputables á subvención

d) Unha relación detallada doutros ingresos ou subvencións que financien a actividade subvencionada con indicación do importe e a súa procedencia, acompañando as correspondentes resolucións de concesión ou, no seu caso, declaración responsable de non percepción doutras axudas para a mesma finalidade procedentes doutras administracións ou entidades públicas ou privadas, nacionais, da Unión Europea ou de Organismo Internacionais.

e) A beneficiaria deberá estar ao corrente no seu cumprimento coas obrigas tributarias e coa Seguridade Social.

f) Declaración responsable do representante legal da entidade receptora, acreditativa dos seguintes extremos:

- Da veracidade da información e da autenticidade da documentación achegadas.
- Que os xustificantes acreditativos dos gastos que se presenten se aplicaron á actividade subvencionada.
- Que foron abonados aos seus expedicionarios ou, no seu caso, aos titulares do dereito que incorporan.



Copia do documento - Concello de Vigo	Data impresión: 27/04/2024 09:07	Páxina 6 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- Cando se xustifiquen gastos que constitúan rendementos incluídos no ámbito de aplicación do Imposto sobre a Renda das Persoas Físicas e suxeitos á retención, que foi practicada a pertinente retención, así como que a mesma foi declarada, liquidada e ingresada na Axencia Estatal da Administración Tributaria.

- Carta de pago do reintegro que proceda en supostos de remanentes non aplicados, excesos obtidos sobre o custe de actividade subvencionada e o interese de demora correspondente (artigos 19.3 e 37.3 da Lei 38/2003, de 17 de novembro, Xeral de Subvencións, e art. 17.3 e 33.3 da Lei 9/2007, de 13 xuño de subvencións de Galicia).

- No seu caso, de non dedución do IVE, cuxo importe, derivado dos gastos da axuda a xustificar é asumido pola entidade beneficiaria ao non poder deducilo.

- Que o programa ou actividade subvencionada que se indica a continuación foi executado na súa totalidade con un custe total de.....(importe total do proxecto).

h) Acreditarase a difusión pública do financiamento da Concellería de Cultura, Emprego e Participación Cidadá, en cada unha das actividades para cuxa realización se concede a presente subvención, segundo memoria de actividades achegada, mediante a presenza destacada do logotipo oficial do Concello de Vigo, respectando en todo momento a imaxe corporativa.

VI. PUBLICIDADE

A entidade beneficiaria debe dar a adecuada publicidade ao financiamento municipal da actividade subvencionada, mediante a inserción do logotipo oficial do Concello de Vigo en todo o material divulgativo que se edite ou publique ao respecto, debendo colocar en lugar preferente e perfectamente visible un cartel publicitario anunciando a colaboración pública do Concello de Vigo.

Consta achegado ao expediente, o cartel informativo do evento.

A presente subvención está suxeita aos requisitos de publicidade recollidos na Lei 38/2003, de 17 de novembro, Xeral de Subvencións e quedará sometido ás normas de transparencia que regula a Lei 19/2013, do 9 de decembro, tendo que ser incorporadas ao Portal de transparencia e debendo rexistrarse na BDNS no momento da concesión da subvención, que opera como sistema nacional de publicidade das subvencións conforme establece a Lei 38/2003, de 17 de novembro, Xeral de Subvencións.

VII. ÓRGANO COMPETENTE

O artigo 74 da Lei de Subvencións de Galicia establece que a competencia para conceder subvencións nas corporacións locais correspóndelle aos órganos que teñen atribuída esa función na lexislación de réxime local.

De conformidade cos artigos 127.1.g) da Lei 7/1985, artigos 31 LSG, artigo 34 da LXS e a resolución de delegación de competencias do Alcalde de data 18/06/2019, é competente para aprobar o presente acordo e o gasto como contrapartida do estipulado, a Xunta de Goberno Local a proposta do concelleiro delegado.



Copia do documento - Concello de Vigo	Data impresión: 27/04/2024 09:07	Páxina 7 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Con carácter previo á adopción do acordo pola Xunta de Goberno Local, remitirase o expediente á Intervención Xeral do Concello para a emisión de informe preceptivo de fiscalización consonte ao disposto nos artigos 9 LXS, 6 da LSG e 214 do TRLFL.

RÉXIME DE RECURSOS

De conformidade co disposto no artigo art. 52.2.a) de la Lei 7/85, de 2 de abril, Reguladora das Bases do Réxime Local (LRBRL), e o 210.a) do Regulamento de Organización, Funcionamento e Réxime Xurídico das Entidades Locais, aprobado por RD 2568/86, de 28 de novembro, poñen fin á vía administrativa, as resolucións do Pleno, Alcaldes e Xunta de Goberno Local.

Segundo os arts. 123 e 124 da Lei 39/2015, de Procedemento Administrativo Común das Administracións Públicas, os actos administrativos que poñen fin a vía administrativa, poden ser recorridos potestativamente en reposición ante o mesmo órgano que os ditou no prazo dun mes, se o acto fora expreso ou, se non o fora, de tres meses, ou ben directamente ante a xurisdición contencioso-administrativa (art. 8.1 LRXCA). Contra a resolución do recurso de reposición non se poderá interpor de novo este recurso, senón que procederá interpor recurso contencioso administrativo, no prazo de dous meses establecido no art. 46.1 da Lei 29/98, de 13 de xullo, Reguladora da Xurisdición Contencioso Administrativo (LRXCA), que comezará a contar a partir do día seguinte a aquel en que se notifique a resolución expresa do recurso de reposición ou en que este deba entenderse presuntamente desestimado.

Por todo o anteriormente exposto, nos termos e condicións, alcance e contido do informe de fiscalización da Intervención Xeral Municipal; previa a conformidade do Sr. Concelleiro-Delegado de Cultura, Emprego e Participación Cidadá, nos termos das delegacións competenciais efectuadas en data 18/06/2019, propónse á Xunta de Goberno Local a adopción do seguinte

ACORDO

PRIMEIRO. - AUTORIZAR e DISPOR o gasto por importe de **5.364,94 €** (cinco mil trescentos sesenta e catro euros con noventa e catro céntimos), con cargo á partida orzamentaria nº **9240 4890000 “SUBVENCIONS A ENTIDADES CIDADÁS”** do vixente orzamento municipal de 2019.

SEGUNDO. - CONCEDER á FEDERACIÓN GALEGA DE DOMINÓ (NIF: G15858723), unha subvención por importe de **5.364,94 €** (cinco mil trescentos sesenta e catro euros con noventa e catro céntimos), para colaborar na financiación da organización do **XXVIII Campionato de España de Dominó por Parellas**, que nesta edición se celebra na cidade de Vigo durante os días 6 e 7 de decembro.

TERCEIRO.- Facultar ao concelleiro de Cultura, Emprego e Participación Cidadá D. Abel Losada Álvarez para asinar o citado convenio, de ser precisa a substitución do Sr. Alcalde-Presidente do Concello de Vigo.

CUARTO.- Rexistrar os datos da concesión da presente subvención, para a súa publicación na Base de Datos Nacional de Subvencións (BDNS), e publicación no portal de transparencia do Concello de Vigo, conforme o artigo 20 da Lei 38/2003, de 17 de novembro, Xeral de Subvencións e artigo 15 da Lei de Lei 9/2007, do 13 de xuño, subvencións de Galicia.



Copia do documento - Concello de Vigo	Data impresión: 27/04/2024 09:07	Páxina 8 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Contra o presente acordo poderán interpoñer recurso de reposición ante o órgano que a dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte á recepción da notificación do acordo, de conformidade cos art. 123 e 124 da Lei 39/2015, de LPAC e 8.1 e 46.1 da Lei 29/98, RXCA. Porén, interposto o recurso de reposición non poderá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar a resolución.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 27/04/2024 09:07	Páxina 9 de 9
SUBVENCIONS	CSV: ABA848-59D1BE-38393B-2L6S4B-U8RKNB-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		